

Paerewa Paetae

Aronga	Tikanga ā-lwi 3.1		
Ingoa	Te tātari i te ahurea rōpū tangata		
Kaupae	3	Whiwhinga	5
		Aromatawai	Ā-roto
Marau akoranga	Te Marautanga o Aotearoa		
Kokonga akoranga	Tikanga ā-lwi		
Mana rēhita		Te rā i mana ai	
Te rā e arotakengia ai		Te rā i puta ai	

Te Hononga ki te Marautanga

I ahu mai tēnei paerewa paetae i te Taumata 8 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Matua

Te Whakaritenga Pāpori me te Ahurea

I roto i te whenu o Te Whakaritenga Pāpori me te Ahurea ka whakawhanake mōhiotanga te ākongā ki:

3 *Te hononga o te ahurea ki te tuakiri o te tangata me ngā putanga iho o te pāhekohekotanga ahurea.*

Whāinga Paetae

Tikanga ā-lwi

8.2 *Ka whakaawe te āhua o te whakahou i ngā motika, ngā tūranga me ngā haepapa o te takitahi me te hapori, ā, ka whakaawe anō hoki ngā motika, ngā tūranga me ngā haepapa o te takitahi me te hapori i te āhua o te whakahou.*

E hono ana ki te Papa Whakaako mō te Tikanga ā-lwi kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Paerewa Paetae

Paetae Te tātari i te ahurea rōpū tangata.	Ka whakamārama i ngā āhuetanga mātua o te ahurea rōpū tangata me te hononga ki ōna tikanga whakahaere. Ka whakatau whakaaro mō te āhua o tētahi ahurea o āianeī, o namata hoki, ka taunaki ai.
Kaiaka He kaiaka te tātari i te ahurea rōpū tangata.	Ka whakatau whakaaro mō te āhua o tētahi ahurea o āianeī, o namata hoki. Ka whakataurite ki ahurea kē atu, ka āta taunaki ai.
Kairangi He kairangi te tātari i te ahurea rōpū tangata.	Ka tino mātau te whakatau whakaaro mō ngā āhuetanga o roto, o waho hoki e whakarerekē ai pea i te āhua o te ahurea mō namata. Ka whakataurite ki ahurea kē atu, ka āta taunaki ai.

Kōrero Āpiti

E whai ake nei ngā whakamārama o ngā tino kupu, kīanga rānei:

ahurea	He huinga āhuetanga ka noho motuhake ki tētahi rōpū pāpori, rōpū matawaka, reanga rānei. Ko te mātauranga, ko ngā whanonga, ko ngā whakapono, ko ngā uara me ngā tohu ka tangata whenua ki a rātou, ā, ka tukua iho hoki ki tēnā reanga me tēnā.
āhuetanga matua o te ahurea	Arā, ko ngā tino āhuetanga, ao tangata mai, ao wairua mai e pā ana ki te ahurea rōpū tangata. Hei tauira, ko: <ul style="list-style-type: none"> • ngā tikanga • te tikanga ruatanga • te reo • te kōrero ā-tuhi, ā-waha • te whakaaro o te tangata ki tōna ake iwi me ngā tāngata nō iwi kē • te whenua me te hononga o te tangata ki taua whenua • ngā uara, te whakapono me ngā mātāpono • ngā whakaaro me ngā tautake • ngā ia o te wā • te taketake o te iwi • te tirohanga pāpori, tirohanga tōrangapū • ngā toi • ngā hangarau (tunu kai, kākahu, whare) • ngā pūrākau • ngā pure, ngā karakia • te whakapono, ngā hāhi • te ture.

rōpū tangata	<p>Hei tauira:</p> <ul style="list-style-type: none"> • iwi taketake • rangatahi • takatāpui • tauiwi • kapa hākinakina • rōpū tōrangapū • kāwanatanga • kēnge.
ka taunaki ai	<p>Me rapu ngā kōrero tautoko i te horopaki e tika ana, e whai mana ana hoki ki te rōpū e kōrerotia ana, inarā ngā kōrero e pā ana ki ngā whakapono me ngā mātāpono o taua rōpū.</p>
ka āta taunaki ai	<p>Ka whakamahi i ngā kōrero tautoko whānui hei taunaki i te whakatau whakaaro. Hei tauira, ko:</p> <ul style="list-style-type: none"> • te uiui tāngata • ngā tuhinga hītori • ngā pūrongo moheni, nūpepa rānei • ngā raraunga • ngā waiata tawhito.
ka tino mātau te whakatau whakaaro	<p>He āta tuitui kōrero i runga i te aronga hou, i te aronga auaha, he tūhura i ngā pānga rehurehu, he whakamahi i ngā pūkenga whakaaro ikeike pērā i te whakahiato whakaaro hei whakaatu i te hua pai o te rautaki mō ngā tau kei te heke mai.</p>
āhuetanga o roto, o waho	<p>Hei tauira:</p> <ul style="list-style-type: none"> • ngā uara me ngā whakapono o te ahurea e tūtuki ana • te taiao pāpori, tōrangapū, ohaocha o te whenua e noho rā te ahurea • ngā ia ā-motu, ā-ao whānui • ngā tautake, ngā ariā o ngā iwi o waho o te ahurea • ngā pakanga • ngā whanake pūtaiao • ngā matatika.

Kuputaka:
matawaka
tautake
matatika

ethnic
philosophy
ethics

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki 0233

TAUURUA